

De

HYDROPE.

Quam,

DIVINO FAVENTE NUMINE,

DECRETO & AVTORITATE
Nobilissimi & Excellentissimi in inclyta
ac per vetusta Rauracorum Academia,
Ordinis Medici,

Pro SUMMIS in SACRA ARTE MEDICA
Honoribus & Privilegiis DOCTORA-
LIBUS legitimè & solenniter
consequendis.

Publico Eruditorum Examini subjicit

LUDOVICUS HOMMILIUS
Stolpens. Pommeran.

Ad Diem Octobris, An. M DC LII.

Loco horisque solitis.

B A S I L E Æ,

Imprimebat GEORGIUS Dectcr Universitatis
Typographus.

ILLUSTRISSIMO, REVERENDISSIMO
PRINCIP I ac DOMINO,

DOMINO

ERNESTO BOGISLAO,
DUCI CROYÆ & ARESCOT,
SACRI ROMAN. IMPERII PRINCIPI,
Electo Episcopo Camminensi, Marchioni in Havre,
Comiti in Fontenoy & Bayon; Domino in
Dommartin & Vinstingen,
&c. &c. &c..

Principi ac Domino meo Clementissimo.



Um laborem hunc Chartaceum, *Celsissime Princeps*,
inscribere cuiquam anxie imprimis mecum meditor, cujus sub
praesidio ille, in simul & ego, ab aliorum tutus invidia apri-
cari possim, animum equidem occupavit statim *Celsitudo Tua*
cui scripto hoc devote insinuato & me ipsum manciparem
protinus. Sed, libere fateor, in diversum me tamen traxit co-
gitantem operis & materiam & humilitatem Styli Tanto Nomine ferè indi-
gnum, cum polito Sermone, fortique Consilio solum Principes gaudeant.
Exempla nihilominus ob oculos habens Illustrium, inter cæteros Mar. An-
tonii Imperat. qui pupillorum controversias ipsemet judicasse, nec tenuio-
res ingressu prohibuisse legitur; Similiter Rudolph. I. Imperat. Satellitibus
suis præcipientis: Date hominibus me accedendi locum & facultatem;
Præsertim Alexandri Magni, qui aliquando frigore penè correptus igni as-
sicens, gregarium è suis militem algore propè mortuum & torpentem, sua se-
de & loco suscepit; nihil insuper veritus, summam humanitatem *Tuam, Cle-
mentissime Princeps*, qua radias accedo submissa hac petitione, hoc quale est
exiguum consecratum Tibi, & *Gratiam Tuam* subeuntem me, fastidire ne ve-
lis. Incolumem Te cum *Illustrissima Matre* superi diu servant Tuis & mihi:

Clementia Tuæ

perpetim devoto

LUDOVICO HOMMILIO.



In Nomine S. Sanctæ & individuæ

TRINITATIS

DISPUTATIO MEDICA

De

HYDROPE.

THESIS I.



QUANTUM ad affectum hunc Græcis ὑδρωπία dictum, ejus in principio notanda venit tum Paronymia, tum Homonymia. Quod ad primum, nomen suum communi consensu Hydrops habet. ὑδρὸς ἔστιν ὑδατὸς, ab aquoso humore.

Nam Græci ὑδωρ aquam vocarunt inquit Cæl. Aurel. l. 3. Tard. Pass. Cap. 8. Martinus derivat ab ὑδωρ aqua & ὤψ facies, quia Hydropici aquosam faciem præ se ferunt.

II. A Græcis dicitur ὑδρεμία, ὑδρεμία, κατὰ πρῶτον ὑδρεμία, καὶ νόσημα ὑδρεμικόν. Plinio quoque Hydropisis & lib. 7. cap. 18. Aqua subter cutem fusa; Horatio aquosus languor; Aliis morbus hydropicus; morbus intercutaneus, seu intercus; Aquosa passio; intercus aqualis; Languor lymphaticus; Paracelso: Resolutus humor; seu ros humidus dicitur. Barbari hydropisiam vocarunt; unde Italorum Hydropisia: Gallorum Hydropisie: Hispanorum Hydropisia: & Anglorum contractum Dropsie. Vulgo sine adjunctione Aqua, Germanis das Wasser/ alias die Wassersucht/ Wassersfülle/ oder die Geschwulst.

III. Homonymiam, hujus affectus quod spectat, sumitur is

vel latè, vel strictè: Latè non tantùm tres propriè dictas Hydrops species suo ambitu complectitur, sed alias œdematofas partium singularum intumescencias, quæ nomina sua à partibus affectis nanciscuntur: Ut capitis ὑδροκέφαλος, & ab effigie Talpa; Umbilici ὑδρομπαλος; folliculi genitalis aut testis ὑδροκήλη, &c.

I V. In stricto significato (quo & nos eam consideramus) Hydrops est tumor p.n. totius corporis, aut abdominis, pedumque, ex materiâ sæpissimè aquosâ & serosâ pituitosa, flatulenta, alendo corpori ineptâ, vitio hepatis, lienis, & sanguificationis potissimum proveniens.

V. Ejus species [quas veteres à materiâ distinxerunt] rectè à Medicis statuuntur tres: Ασκίτης, id est, Utricularis, τυμπανίτης, i.e. Tympania & denique ὑποσάρκα καὶ αἰσάσάρκα: seu λευκοφλεγματία, i.e. Pituita alba Baccanel. lib.3. de cons. Med. pag. m.449.

V I. Ασκίτης, est tumor abdominis, conjunctus cum femorum pedumque, aliquando & scroti tumore, ortus ab humore aquoso, seroso & falso in ejusdem cavitate collecto. Accidit tamen aliquando, ut humor hic, non in cavitate abdominis, sed vesicis quibusdam partibus ventris inferioris intus adnatis, includatur, ut historiam recenset. Mauritius Cordus Comm.5. in l.1. de morb. mulier.

V I I. Dicitur ita ἀπὸ τῆ ἀσκῆ, quod Utrem significat; gerunt enim ita affecti in abdomine aquam non secus ac in Utre. Hoffman lib. 3. instit. Med. cap. 67. Et hic quidem affectus propriissimè Hydrops vocatur, cæteræ verò species per hujus similitudinem ita dicuntur, ut rectè notat. L. Fachin. in 9. lib. Rhas. cap. 52. Unde, ut habet Sen. lib. 3. prax. part. 6. sect. 2. cap. 3. dum Scriptores hydropem absolutè nominant, Ascitem ferè intelligunt. A barbaris hic affectus voce corrupta Asclitis dicitur. Savanarol. tract. 6. cap. 14.

V I I I. Differentiæ Ascitis variæ à variis enarrantur, alius enim cum febre, alius sine febre, alius primarius, alius secundarius, recens, inveteratus, levior, gravior, exquisitus, & non exquisitus, &c. Ratione causæ continentis itidem varius, plerumque;

rumq; enim, uthabet *Sen. l.c.* aqua illa est pallida & citrina & urinam refert, interdum lutea & viridis, qualē observavit *Piso & Marcellus Donatus, Histor. med. mirabil. lib.4. cap.21.* aliquando flava in nigram vergens, teste *Christ. Guarin. Consult.194.* Nonnunquam loturę carniū recens maētatarum persimilis, *Fabr. Hild. cent.2. observ.57.* Plane cruentam & loturę carniū saturatę, sanguine consimilem se vidisse asserit *Holl. scholiogr. lib.1. de morb. inter. cap.39.*

IX. Tympanites est tumor ab dominis, proveniens ut plurimum à copia flatuum, in illius cavitate & ipsis nonnunquam intestinis, inclusorum.

X. Dicitur ita ἀπὸ τῆς τυμπάνης, quia venter in hoc affectu instar Tympani distēditur, & concussus tympani sonum edit. Alio nomine Tympania & ab *Hipp. lib.4. aph.11. ξηρὸς ὕδρωψ.* i.e. siccus Hydrops, ad differentiam humidi, ab humore in eo prædominante sic dicti. Nota, tam stupendum in molem interdum venter in tympanitide attollitur, ut metus sit disruptionis, *Forest. lib.19. observ. à.43. ad 46.*

XI. Differentiæ Tympanitidis eadem ferè sunt quę Ascitis. Alius enim recens, inveteratus, levior, gravior, exquisitus & sincerus, vel non exquisitus. Sunt tamen qui sincerum dari negant, ut idem ex *Cæl. Aurelian.* statuit *Forestus l.c. observatio.43.* consentit *Fernel. lib.6. Patholog. cap.8.* & alii. Exempla quę in contrarium proponit *Plater. & Smeti. Miscell. lib.7. epist.4.* per quam sunt rara.

XII. Anasarca est tumor totius corporis, ex materia pituitosa, quæ à jecore læso proveniens partibus nutriendis perfectè agglutinari nequit.

XIII. Dicitur à subiecto, scil. carnibus, quasi αἰὰ σάρκα, i.e. per carnem, unde etiam ὑποσάρκα, κατὰ σάρκα, σαρκήτης, ὑποσαρκίδιον, dicitur. *Serapio & alii Arabes* vocant Hydropem carnosum *Hipp. lib.1. de morb. λεκὸν φλέγμα* nonnulli, ut & antea monitum, λεκοφλεγματιαν appellant. *Aretæus* tamen his contrarius *lib.2. de sig. & caus. diut. morb. cap.1.* quod probat *Vega 3. de Art. med.8.10.* inter αἰασάρκα &

ἀποφλεματίαν distinguit; Sed rectè meo iudicio reprehenditur à *Sen. l.c. cap. 5.*

XIV. Differentiæ ejus, quæ plurimæ sunt, ex superioribus huc referri possunt.

XV. Progredimur ad Causas Hydropis in genere, quæ est vel proxima seu immediata, Medicis continens dicta, humoris scilicet maximam partem aquosi, nonnihil tamen serosi falsi & pituitosi vel flatuum nimia abundantia, cui præterea & alia heterogenea permiscentur. Sic in Tympanite flatus, interdum humores biliosi *Forest. lib. 19. observ. 27. in Schol.* interdum portio aliqua ipsius sanguinis, se intermiscet. Huc facit experientia *Hercul. Saxon. Observ. lib. 3. pract. cap. 22.*

XVI. Vel Remota sive antecedens, ad quam referimus, omnia quæ humores suprà nominatos in corpore generare & cumulare apta sunt. Estq; vel *προηγμένη* vel *προκαταρκτική*. Causam proëgumenam communiter statuunt, læsam sanguificationem, cujus officina cum potissimum sit Hepar, exinde in omni fermè Hydrope hepar affici asserunt.

XVII. Afficitur verò Hepar, vel primariò vel secundariò. Primariò seu per essentiam, quando ipsius hepatis imbecillitas, intemperies imprimis frigida, soluta item continuitas, inflammatio, obstructio scirrhi, &c. nec non ejusdem parvitas ab *Avicen. & Alex. Massar. lib. 3. cap. 16.* annotata, causæ sunt læsæ sanguificationis, intemperies itidem calida ex accidenti Hydropem producere valet, docente *Hipp. 2. prognost. Galen. Comment. 2.* quatenus scilicet dissipando calorem hepatis nativum, intemperiem in eo frigidam causatur.

XVIII. Secundariò verò, sive per Sympathiam hepar afficitur, vel à toto corpore, intemperie imprimis frigida laborante, vel à certis partibus nutritioni viscerū potissimum inservientibus, dum scil. affectæ noxam suam lege consortii jecori communicant. Sic Hydrops oriri potest, si ventriculus, intestina, mesenterium, lien, omentum, renes, vesica, uterus, pulmo, diaphragma, aut aliæ partes circumjacentes, sua munia perperam exsequantur: idem potest accidere à suppressis evacuationibus consuetis, ut mensium, varicum, hæmorrhoidum solutarum repentina & omnimoda celsatione, vel earundem

rundem nimio profluvio, à sanguinis itidem subita & ἀθρόως
facta profusione, purgationibus vehementioribus, &c.

XIX. Ex dictis autem nonnullæ etiam ἰδιονπαθῶς hy-
dropem inducere possunt, inprimis lien ut vult Hipp. lib. 2.
ἐν ἰδιονπαθῶν & lib. 2. de morb. mulier. quo in loco hydropis gene-
rationem ex liene, integrè describit. Hinc fit quod Galen. de
Sympt. different. cap. 4. & 5. de loc. affect. item Avicen. lib. 3. Fen. 14.
tract. 4. cap. 8. lieni sola medicamenta destinant. Renes quo-
que & solæ venę mesaraicæ læsæ, idem efficere valent, ut con-
stat ex Gal. lib. 2. de Natur. Facul. cap. 8. & 3. de Sympt. caus. cap. 2.

XX. Restat Causa procatarctica, ad quam pertinet omnia
illa quæ extrinsecus accedunt & calorem innatum Hepatis,
aut aliorum viscerum vel positivè vel privativè debilitant, ac
extingunt. Sunt quæ vel necessariae quas evitare non possu-
mus, vel non necessariae. Necessariae sunt errores in sex rebus
non naturalibus commissi. Non necessariae seu quas declinan-
di datur potestas, ut casus ab alto, percussio aut contusio su-
per Hepar, aut Hypochondria, potus, balnea intempestivè ad-
hibita, medicamenta nimis calida, opiatorum, aliorum quæ
frigidorum immodicus usus, &c.

XXI. Atque hæc de causis Hydropis in genere, progre-
dimur ad singulas species: ubi primò se offert ASCITES, cu-
jus causa ut supra Th. 6. dictum est humor aquosus, serosus
& salsus, in abdominis cavitatem effusus. De causis autem
antecedentibus, aquam hanc prognerantibus, maximus
est Medicorum dissensus. Veteres culpam, maximam par-
tem, ad frigidum referunt jecur, contrà recentiorum nonnul-
li volunt, Ascitem non tam ex Hepate quam liene oriri, nec
tantum ex liene, sed & ex intestinis perforatis, ex renibus se-
rum non attrahentibus, ex obstructione partium urinæ dica-
tarum, sero per vasa regurgitante & transudante per abdo-
men. Idem judicium ferunt de utero, humores abdomini sub-
mittente & de Hydrope ex colliquatione, in quo jecur non
esse primariò affectum arbitrantur.

XXII. Nos Hepar per omnia non excludimus, attamen
quia, in sectis Hydropicorum cadaveribus, hepar nonnun-
quam

quam saluum reperitur, quale quid observatum à Nicolao Fontan. ex. 34. haud negandum putamus, lienem, renes, aliasque partes interdum affectui huic causam suppeditare: potius enim autopsiæ quam ratiunculis in contrarium excogitatis subscribimus. Ubi autem causa hæreat & per quas vias in abdominis cavitationem perveniat, cum similiter à Medicis in longam trahatur quæstionem, nos brevitatis studio omittimus. Videri de eo potest. *Sen. l. c. quæst. 2. & 3. & alii.*

XXIII. Tympanitis causam continentem diximus Th. 9. esse maximam partem, copiam flatuum in abdominis cavitate & ipsis nonnunquam intestinis contentorum. Generantur autem flatus hi vel vitio materiæ, vel imbecillitate caloris, aut etiam, ut aliis placet, ejusdem vehementia: Ut de causis procataceticis nihil addamus. Notandum tamen hic, flatibus hisce humorem quendam nebulosum, ut loquitur Aëtius, aut ferofum, permisceri.

XXIV. Anasarcae causa continens, ut monitum Th. 12. Est humor pituitosus, ab imbecillitate hepatis procreatus, qui quoniam ad partium nutritionem ineptus est, subter cutem per universum corpus colligitur, habitumque corporis insigniter deformat. Remotiores causæ sunt cibi & potus frigidi, humidi, intemperies totius frigida, crapula, &c.

XXV. Cæterum observandum tres has hydropis species rarissimè, imò ferè nunquam, solas reperiri, sed ut plurimum inter se conjungi, interdum duas. (Exempla Tympanitis cum Ascite conjuncti extant apud Platerum. lib. 3. Tinell. cons. 19. Tulp. lib. 2. cap. 35. similiter Ascitis cum Anasarca apud Plat. Cent. 3. Cur. 36.) interdum etiam omnes tres, quale quid à Viro Excell. Dn. Johan. Jac. à Brunn. An. 1636. in nosocomio hoc Basiliensi, observatum fuit.

XXVI. Pergimus ad signa, quæ sunt vel Diagnostica vel Prognostica, Diagnostica rursus vel communia, vel uni aut alteri speciei propria. Signa diagnostica communia sunt, Tumor & inflatio corporis, difficultas spirandi, gravitas urinæ ac sudoris diminutio, dolor in latere sive dextro sive sinistro, coloris fœditas, diminuta apperentia, sitis assidua, &c.

XXVII. Pro-

XXVII. Propria specialia & primo quidem *ASCITIS* sunt: Tumor primo Abdominis, deinde pedum & Scroti, (nonnunquam tamen & ab inferioribus incipit) æger commotus de latere in latus, fluctuantis murmurantisque aquæ sonum percipit *Galen. 4. de dign. Puls. cap. 3.* inferiora in umescunt, superiora verò gracilia redduntur; si æger supinus ponatur, tumor vel per universum abdomen, vel ad latera defluit, si verò erectus sedet, ad ossa pubis prolabitur, sitis plerumque malè cruciat, &c. Nam, ut ait *Poëta*.

Quo plus sunt potæ, plus sitiuntur aquæ.

pulsus parvus, creber, subdurus, cum quadam tensione *Gal. 4. de caus. puls. cap. 24.* Urina admodum pauca & ferè crassa, morbo invalescente Dispnoëa plerumq; sequitur, ob copiam aquæ, diaphragmati incumbentem; Tussis nonnunquam comitatur, seu ex compressione diaphragmatis; seu ex aquæ in thoracem penetratione, unde metus suffocationis; post impressionem digitorum, manifesta in cute vestigia remanent, quæ tamen sensim evanescencia non tam diu perdurant ac in *Anasarca*.

XXVIII. *Tympanitis* propria sunt: Venter instar tympani tensus atque pulsatus tympani sonitum edens. *Gal. 4. aph. II. & de cog. ex Puls. cap. 3.* Ejusdem levitas, quia licet in tumorem exsurrexerit, exigui tamen est ponderis, quia flatibus tantum repletus; Ructus & crepitus crebro prorumpunt, borborygmi & rugitus audiuntur; ægro supino jacenti, tumor non tam ad latera cadit quam in medium attollitur, digitorum impressiones derepente evanescunt, pulsus longior, non imbecillis ut in *Ascite*; Urina cruda aquea, vel leviter tincta, cum hypostasi, & nubecula vel perpauca, vel omnino nulla; præcesserunt rugitus ventris, tormina diuturna circa umbilicum, lumborum dolor, &c.

XXIX. *LEUCOPHLEGMATIÆ* propria sunt, tumor universi corporis, vestigiorum post digiti impressionem remanentia, corporis mollities, pallor, laxitas, somnus gravis, pulsus parvus, creber, & inæqualis, urina alba, tenuis, cruda; Febris sæpè subsequitur lenta.

XXX. Hæc de signis **DIAGNOSTICIS**: sequuntur **PROGNOSTICA**, quæ similiter vel propria sunt vel communia. Communia: Omnis Hydrops gravis, & in se periculofus est morbus. Non eadem facilitate in senibus quàm in juvenibus, nec eadem in liberis quam in servis curatur *Cor. Cels. lib.3. cap. 21.* Recens non semper curatu est difficilis, inveteratus è contra periculofus, ob caufarum & Symptomatum incrementum, imò corruptis penitus visceribus omnino lethalis *Cel. l.c.* Hydropes graviores fiunt, si corpus alio morbo labefactatum adhuc delapsum fuerit. Tussis hydropico si superveniat, desperatus morbus est. *Hipp. Sect.7. aph.47.* Ulcera in corpore orta non facile sanantur. *sect.6. Aph.8.* Aqua intercutem laborantes si urantur aut fecentur, aut pus, aut aqua confertim effluerit omninò intereūt, ibidem *Aph.27.* Ex furore hydrops bonus est. *Sect.7. Aph.5.*

XXXI. Prognostica propria sunt primo de Ascite. Hydrops Ascitis periculofior Tympanite & Anasarca. In Ascite si oriatur febris cum urina pauca & turbida periculofum. *Hipp. in coac.* Quibus Hepar aqua refertum erumpit in omentum, iis venter aqua repletur & moriuntur *Sect.7. Aphor.55.* Maculæ in cruribus lethales *Hipp.7. Epidem.* Multum mingere & sitim perferre in Ascite bonum.

XXXII. Secundo de Tympanitide: Tympanites inter omnes hydropis species periculofissima est; habita tamen ratione circumstantiarum, *Aëti. t.3. ser.2. cap.20.* in sicco hydrope stillicidium urinæ accedēs malum. *Hipp. in Coac. t.2. aph.19.* in hydrope sicco si in urina exiguum sedimentum appareat malum ibidem. Si in tympanite eruptiones ventositatis & flatuum per os & anum continuò adfunt, eæque multæ, bonum. Quibus intestina contorquentur & circa umbilicum cruciatus, lumborumque dolor adest qui non discutitur, nec purgatione, nec aliter, in hydropem siccum firmatur. *Sect.4. Aph.11.*

XXXIII. Tertio de Anasarca: Hæc inter omnes hydropis species minus periculofa *Leon. Jacchin. in 9. Rhas. cap.52.* Anasarcâ vexato si vehemens alvi profluvium succedat, morbum

bum solvit *Sect. 7. Aph. 29.* Omnia sunt vehementiora, si eo tempore ægrotet quo tempus ipsum morbo opem fert, quemadmodum feбри ardenti æstas, hydropico hyems *Sect. 8. Aph. 8.* Hydropicis si aqua ex venis in ventrem confluxerit, morbus solvitur. *Sect. 6. Aph. 14.*

XXXIV. Cura tandem restat, quæ commodissimè secundum indicationes, à tribus potissimum indicantibus desumptas instituatur, indicantia sunt. *Morbus. Morbi causa & vires ægri.* Morbus hic est Tumor. p.n. qui cum sublata causa evanescat & præter sui ablationem nihil indicet, plura de eo impræsentiarum disferere, supervacaneum puto.

XXXV. Causam continentem quod concernit, ea ut ex superioribus patet, est vel humor, vel flatus, quorum uterque sui ablationem indicat. Humor quidem, qui totâ naturâ à corporis substantia est alienus, sui eradicationem postulat, quæ peragenda evacuantibus & derivantibus per meatus tum sensibiles, tum insensibiles. Flatus verò sui dissipationem indicant. Similiter intemperies hepatis aut aliorum viscerum alterantia, obstructions aperientia, & detergentia, scirrhi & tumores duri emollientia, nimius sanguinis fluxus, sanguinem sistentia, alia alia requirunt. Vires denique si præsentis sui conservationem, amissæ sui restorationem indicant. Hæ sunt indicationes, quibus satis faciet diæta, Pharmacia & chirurgia rectè instituta.

XXXVI. *Diatetica* administratur, recto sex rerum non naturalium usu, qui semper morbo sit oppositus. Itaque æger aëri se committat, puro, lucido & ad calorem & siccitatem inclinanti. Cibi sint *ἄχυμοι, ἄπεπτοι & ἄρεοφοι*. sique medicamentosi fuerint, calefacientes & siccantes eligantur, dulcia, & flatulenta omnia, angue pejus fugiantur; imprimis usus petroselini, allii, sem. fœniculi, carui, anisi, coriandri, cinnamomi, cariophyllor. & aliorum aromatum, frequens sit. Avium sylvestrium, præcipuè alaudarum, esum commendat. Nicol. Florent. Potus quum fieri potest, sit paucissimus, isque attenuans & urinam movens, &c. si tamen sitis valdè urgeat, illa fallenda est, vel oris collutione cum aqua

chalybeata & aceto, vel frequenter mandendo grana aliquot mastiches, vel quidvis ejusdem facultatis, Aquam enim plurimam in os eliciet. Motus Hydropicis concedendus mediocris, qui calorem nativum excitet, poros & meatus corporis aperiat, alimentique distributionem promoveat. Observandum tamen, ut cibum præcedat, ne is incoctus, & crudus inhabitum corporis rapiatur. Navigatio in mari prodest. vid. *Schenck. & Holler. Schol. lib. I. de morb. inter. cap. 39.* Somnus sit paucus, isque in stratis duriusculis, quibus herbæ odoriferae & flatus discutientes substerni possunt. Vigiliæ quia exsiccant, somnum superent. Alvi & urinæ excrementa, si assumptis non respondeant, provocanda sunt, Flatus minimè inhibeantur, imò nulli ægro absurdum videatur edictum Claudii Imperatoris veniam dantis, etiam in convivio crepitus ventris emittendi, ut refert *Sueton. 4. lib. 16.* Venus omninò vitanda in hoc affectu. Similis videtur ratio animi pathematum, solo excepto gaudio.

X X X V I. Hæc de diæta sufficient : progredior ad PHARMACIAM, quæ pro hydropis specie varia est. In Ascite aqua in abdomen effusa evacuanda est, præmissa crasforum, si fortè adfuerint, humorum præparatione. Evacuatio illa instituitur; primò per alvum, hydragogis, tum mitioribus, tum fortioribus. Secundò Diureticis, ut asparag. petroselino fœniculo, ligno Sasfras. Baccis juniperi, sale absynthii, Spiritu Salis, &c. Tertio sudoriferis & exsiccantibus. Scabiosa, card. bened. Flor. Sambuci, guaja. C. C. lap. bezoart. Theriac. Mithridat. &c. quorum catalogum qui desiderat, adeat practicos & uberrimum inveniet campum.

X X X V I I. Exterius applicantur cataplasmata, unguenta, balnea, fomentationes & emplastra. *Wierus, Helmontius & Gisbertus Horstius* testantur Bufones sylvestres qui in nemoribus reperiuntur discissos & renibus foris alligatos, multos ab Ascite liberalisse, aquas hydropicorum per urinas educendo.

X X X I X. In tympanite curatio maximam partem similis, curationi Ascitis, nisi quod flatus discutientia sint ad-
jicienda

jicienda, & materia sive causa flatuum procreatrix educenda, primæque coctionis organa roboranda. Flatus dissipant calaminta, carui, Anisum, Fœnicul.

XL. Si verò ut observavit *Christophorus à Vega lib. 3. art. Med. Sect. 8. cap. 12.* à causis calefacientibus sit, tum hepatica frigida, cum aperientibus minus calidis, conveniunt.

XL I. In Anasarca crudus & inelaboratus succus, præcipuè in ambitu corporis collectus, præparandus, digerendus, & evacuandus est. Præparantia habemus quamplurima. Ut: Syrup. de Absynth. Melrosar. Oxymel. & quæ sunt alia. Purgantia sunt tum mitiora: Ut Syrup. rosar. Solutivus cum rhabarbaro, de eupatorio. Hiera simplex & composita, &c. Tum fortiora, radic. ireos nostratis ejusque succus, Gratiol. Rad. Esul. &c.

XL II. Verùm, ut rectè monet *Riverius*, in omni purgantium administratione, purgantia saltem validiora non sunt frequentius usurpanda. ut docet *Galen. 9. κατὰ τὸ πλεονεξ*, quia corpus debilitant, ut postea major aquarum proventus exoriat. Purgationum vice clysteres injici possunt, quibus flatus discutiantur, aquæ educantur, & venter imminuatur. Formulas vide sis apud *River. lib. 6. prax. c. 6.*

XL III. Huc pertinent quoque sudorifera & diuretica, quæ influentem humorem avertunt & derivant, seriem eorum habes apud practicos. In primis verò per urinam expurgant Cœpe, Porrum, & Allium; cujus continuo esu plures ab aqua liberatos esse testis est. *Forest. lib. 19. observ. 27.* Post-hæc diaphoretica in usum vocanda, quæ per insensibiles corporis meatus materiam peccantem educunt; decoctum Sassafra, lig. guajaci, salsæ parillæ, Theriaca, Mithridatium, Chymici commendant Antimonium diaphoreticum. Huc quoque faciunt quæ ad extra adhiberi solent, puta balnea, fomentationes & cataplasmata varia, secundum artem præparata.

XL IV. His peractis restat viscerum, Hepatis, in primis & ventriculi, &c. corroboratio, quæ lege methodi peragitur medicamentis corroborantibus, unicuique visceri pro-

priè dicatis , de quibus iterum Authores practici prolixè legi possunt.

XLV. Restat igitur tertium & ultimum curationis membrum, quod uti diximus est *Chirurgia*, quæ absolvitur, vel cauterizando vel Scarificando. Cauteria & Scarificationes vitandas duco, metus enim est, ne materia illa serosa, maligna, ac falsa affluens, gangrænam inducat.

XLVI. Venæsectione inquit *Galen. in Com. in lib. Acut.* nullus Ascitem vel Tympaniam curaverit. Utilis tamen in principio, Anasarcae, quæ originem suam, ex solenni evacuatione suppressâ, aut alia insigni evacuatione, ducit. Miratur nihilominus *Heurnius*, in disputatione de Hydrope, *thes. 6.* cur venæsectio in reliquis hydropis speciebus in exilium mittatur, cum & ipsa interdum prodesse possit, ut probat ibidem.

XLVII. In Ascite aliis non juvantibus, nobile & potens est remedium *ὁ ὀγκέντησις*, ut sua experientia præcæteris probat. *Bartholomeus Cabrolus*, verum caute administrari debet, qua de re consulatur, inter alios quamplurimos, *Sennertus lib. 5. par. 1. Sect. 2. cap. 7. & Guarin. Caus. 474.* Alii ut *Platerus & Massarias* Scroti apertionem præferunt: alii Scarificationem in cruribus commendant, ut *Galen. lib. 9. de comp. med. secund. loc. cap. 3. Aëtius, tetrab. sermone 2. cap. 30.* Quicquid fiat maxima in omnibus cautione opus est, ut monent Practici.

XLVIII. Tympanites solum cucurbitulas admittit sine Scarificatione, vel plurimas, vel unam magnam, cum multa flamma adhibitam, qualem *Paulus Ægineta lib. 3. cap. 48.* toti ventri, & umbilico præcipuè applicat.

XLIX. Veteres crediderunt incantationibus hydropem posse curari, annotante *Mercuriali lib. 3. de affect. infer. ventr. cap. 24.* nam relatum est de Imperatore Hadriano, cujus sæpè meminit *Galen.* liberatum eum esse ab Hydrope per incantationem, sed quanquam aliqui tribuant fidem his medicamentis, ea tamen ab omnibus negligenda sunt, qui se medicos rationales profitentur.


L. Atque

L. Atque hæc sunt quæ de tribus hydropis speciebus,
Ascite, Tympanite & Anasarca impræsentiarum tradere pro-
posui quarum natura & curatio, quamvis Eruditissimis, Cla-
rissimorum Medicorum Scriptis, variè illustrata splende-
scat, earundem tamen faciem, hic rudi saltem
minerva delineasse, mihi
sufficiat.

TRIUNI ET SUMMO ARCHIATRO DEO
T. O. M. sit laus, Honor & Gloria
Sempiterna.

PALLAS HOMMILIO
interprete

THEODORO WOLDERO.

 *Vod legis æriâ mitto Tibi Pallas ab arce,
Pectoris Hommili mascula cura mei.
Hactenus obticui, nec enim Tua verba per auras
Credideram, volucres raptâ tulisse Notos.
Obticui, sed enim non raro cura recursat,
Meq; jubet steriles usq; dolere moras.
Ah quoties dixi, vereor ne forte tenellum,
Alterius capiat, perfidus urbis Amor.
Ah quoties dixi, vereor ne forte timentis
Oscula sectetur bella puella Viri.
Ah quoties dixi vereor ne forte Lyæo
Percitus, alterius, tectâ pudenda petat.
Quæ dixi, timuiq; simul, potuiq; timere,
Suspikor hæc dudum complacuisse Tibi.
Causa moræ nam nulla Tibi, cur ire recusas,
Quid præferre juvat marcida dona Polo?
Hoc est quod monui nostras cum relinquere sedes
Velles, obscuras querere cumq; plagas.*

Hen

*Heu mihi ne quondam referat fatalia de Te
Nuncius, ac dicat, quod petis, alter habet.
Tum lacrumas lacruma truserunt ore cadentes,
Brachia sunt ulnis & tua juncta meis.
Diva potens dixti, quocumq; vocaveris ibo,
Extinguent nostras nulla pericla faces.
Sic Paris Oenonen miseram cum linqueret, atq;
Præferret Grajæ turpia dona miser
Dixit. & Æneas tristem cum perdere Dido
Pergeret, ante quidem talia verba dedit.
Talia verba refert, sed inania verba dedisse
Hermione, fratrem quem vocat atq; Virum.
Pœna tamen cunctos subito pede, crede, secuta.
Durior illa solet Tarda venire magis.
Ast mea quis subito confundit pectora gratus
Horror, & ex animo tristis amaror abit?
Fallor, an immensa ludunt mea lumina cura,
Advenit aut mentis spesq; decusq; mea?
Advenit, & veniam reditus petit ore diserto,
Tardi, meq; diu dona petita, petit.
Quid moror optatâ juvenem decorare Coronâ?
Addere sacratæ myrtea ferta Comæ.
Hæc gere. quæ sortis nunquam Tibi Turbo profana
Tollet, quæ nullo sunt peritura die.*

EPIGRAMMA

AD EUNDEM.

*FVnereas vacuamus aquas, submergimur undis,
Et fata in tumido corpore dira latent:
Ecce simul nobis lethum sumus atque feretrum,
Quique tumet, funus suscitât ipse suum.
Hic gravis accrescens albo cum corpore languor
Acquirît Genio digna brabea Tuo.*

Deproperabat

DAVID STOLLIUS.